

AKILERAARTARNERMUT AQUTSISOQARFIK

Ulloq 25. april 2008

Akiliunneqarluni sulinngiffimmi angalasarnerit akileraaruserneqartarnerinut ilitsersuut.

Ilitsersuummi matumani akiliunneqarluni sulinngiffimmi angalasarnerit pillugit akileraarutitigut malittarisassat nassuiarneqarnissaat siunertarineqarpoq. Akileraarutitaqanngitsumik akiliunneqarluni sulinngiffimmi angalasarnernut malittarisassat aningaasarsianit akileraarutit pillugit inatsimmi § 34, imm. 15-imi takuneqarsinnaapput, tassanilu imatut allassimasoqarpoq:

“Namminersortuni pisortaniluunniit atorfeqartut sulinngiffimmi akiliunneqarlutik illoqarfigisamut angalasarneri Kalaallit Nunaanni tjenestemandit malittarisassa atuuuttut malillugit isertitanit akileraarutaasussat naatsorsornerinut ilanngunneqassanngillat. Matumani pineqarluni ukiumut ataasiarluni sulinngiffimmi akiliunneqarluni angalaneq ataaseq akileraaruserneqartussaannngitsaq.”

Sulinngiffeqartussap sulinngiffimmi akiliunneqarluni angalanissani sulinermigut pissarsiarisimassagaa aallaavigineqassaaq, taamaasillunilu angalaneq sioqqullugu minnerpaamik ukioq ataaseq atorfeqareersimasussaalluni. Assersuutigalugu ukiut marluk sulereernermi akiliunneqarluni angalanissaq aatsaat anguneqarsinnaavoq.

Illoqarfigisag

Soorlu inatsimmi takuneqarsinnaasoq akileraarutitaqanngitsumik sulinngiffimmi akiliunneqarluni angalanermi ornigassaq tassaasussaavoq illoqarfik aggerfigisag, tassalu atorfinitsinneqartup atorfininnerminut atatillugu illoqarfik qimassimasaa. Inunnut Kalaallit Nunaata avataanit aggersunut aggerfigisag tassaassaaq København.

Taamaakkaluortoq akiliunneqarluni sulinngiffimmi angalanermi aalajangersakkat allaffissornikkut kingunerisai aallaavigalugit Skatterådimi kingusinnerusukkut akuerineqarpoq atorfilik nammineq iluarisaminik ornigassaminik toqqaasinnaassasoq, atorfilik illoqarfigisaminut Københavnmulluunniit økonomiklassimi billetip akigisaanut naapertuuttumik aningaasat killigisassaasa iluanni inniminniisimappat, takuuk ataani allassimasut. Tassalu inuup ornigassaminik sorlermik aalajangernera aallaavigalugu tamatumani killiliisoqanngilaq, taamaallaalli Kalaallit Nunaannut Københavnmulluunniit imaluunniit USA-mut Islandimulluunniit toqqaannartumik toqqaasoqarpat.

Nammineq illoqarfigisamik oqariaaseq malillugu sulinngiffimmi akiliunneqarluni angalanerup “tikitassanik allanik” ilaneqarnissaa akornutissaqanngilaq, soorlu Nuuk – Ilulissat – København tassanngaanniillu Nuummur uterlugu. Akileraarutitaqanngitsumik sulinngiffimmi angalanermi taamaallaat pineqarput angalanermi billetit, taakkulu akisunerpaaffigisassa at tassaassaaq toqqaannartumik Nuummiit

Københavnimut billetit allangortinneqarsinnaangitsut allangortinneqarsinnaasullu (imal. akikinnek akisunerluunniit) assingisa akiat (restriktiv økonomibillet, fleksibel økonomibillet) , tassalu billeti Nuuk – Ilulissat – København-imut atorngartartoq, takuuk ataani allassimasut. Biletip akiata akisunerpaaffissaq qaangersimassappagu akigitinneqartoq sulisitsisumit akileraaruteqaataasussatut nalunaarutigineqartussaassaaq. Taamaattoqarsimappat Ilulissat aqqusaarlugit angalanermi akisunerussutaasoq toqqaannartumik Københavnimut paarlaallugu akileraaruserneqartussaavoq.

Biletip akia, akisunerpaaffia

Akisunerpaaffimmi pineqarpoq økonomibiletimi biletip akia. Biletimik akikinnerusumik pissarsisoqassappat assigiingissutaat atorfeqartumut akileraarutaanginnissaa anguneqarsinnaangilaq.

Akikilliliinerit, soorlu akisunermut taarsiullugu , taamaalillutik ilassutitut tunniussanut nuunneqarsinnaangillat, soorluttaaq assersuutigalugu pensionisialinnut akikilliliinerit inoqutigiit ilaannut allanut nuunneqarsinnaassanatik.

Allatut oqaatigalugu, akit qaffasinnerpaaffiat aalajangersimasutut inissisimangilaq biletilli toqqakkap suunera aallaaviussalluni.

Ilassutitut tunniussat

Sulinggiffeqarluni akileraarutitaqangitsumik akiliunneqarluni angalanermi matussuserneqartartoq tassatuaavoq biletip akia, Mittarfeqarfimmi akileraarutit matumani ilaallutik.

Ilassutitut tunniussat allat suulluunniit, soorlu hotelimenneq, bilinik attartorneq, taxanik atuineq, qimuttuitsorneq, aasarsiorarfimmik attartartorneq, attartukkamik atorluni angalanek hotelimi unnuinertalik unnuinertaqangitsorluunniit akileraarutitaqangitsumik sulinggiffimmi akiliunneqarluni angalanermut ilaangillat, taamaammallu ilassutitut tunniussanut allanut akileraarusiisoqqaartinnagu sulisitsisorisamit utertinniarneqarsinnaanatik akilersinniarneqarsinnaanatik.

Sulisitsisoq aalajangerpat akiligassangortinneqartut tamaasa akilerniarlugit akiligassangortinneqartut amerlassusiisa biletillu akiata qaffasinnerpaaffianni amerlassusiisa nikingassutaat akileraaruserneqassapput, takuuk assersuutit ataani allassimasut.

Assersuutit:

1. Akiliunneqarluni angalasussap angalanissani imatut toqqarpai: Nuuk – Ilulissat – København – Nuuk, Ilulissani unnuinerit marluk ilanngullugit.
2. Nuuk – København – Nuummuk akiliunneqarluni angalanermut toqqaannartumik akisunerup akisunerpaaffia assersuutigalugu 12.000 kr.-inik akeqarpoq. Taamaakkaluartoq angalanermut toqqarneqartumut tassunga toqqaannartumik angalanermi akikinnek atorngartartoq akisunerpaaffiusassaaq tassaavoq Nuummiit Københavnimut billeti akikinnek, assersuutigalugu 9.000 kr.
3. Angallatsitsivimmit/biletimik tunniussisumit akiligassat tamarmiusut tunniunneqartut akikilliliissutit ilanngullugit 20.000 kr.-iupput. Tassani akikinnek anguneqarpoq.

4. Angalasoq nikingassutaasunit (20.000 kr. – 9.000 kr.) 11.000 kr.-init akileraartinneqassaaq imaluunniit aningaasat angallatsitsivimmut sulisitsisumulluunniit akiliutigissallugit.

1. Inuup Upernavimmi suliffeqartup Nuummiilli suliartortuusup akiliunneqarluni angalanissani Upernavik – Ilulissat – Nuuk – Upernavimmut toqqarpaa. Toqqaannartumik angalanermi angalanissamut pilersaarutip kingunerisaanik Upernavimmiit Upernavimmullu uteriarnermi Ilulissani unnuinermik kinguneqartussaavoq.

2. Angallatsitsivimmit/billetimik tunniussisumit akiligassat tunniunneqartut tamarmiusut 15.000 kr.-iupput.

3. Inuk pineqartoq nikingassutaasumik akileraartinneqassanngilaq, tassami inuk taanna toqqaannartumik angalanissaq pilersaarutaasoq malillugu angalasimammat.

1. Ilaqutariit akiliunneqarlutik angalanissartik Nuuk – København – Grækenland – København – Nuummut toqqarpaat.

2. Biilimik attartortoqarpoq.

3. Ilaqutariit marlunnik inersimasorta qarput meerartaqarlutillu 12-t inorlugit ukiulinnik. Angallatsitsivimmit/billetimik tunniussisumit akiligassat tamarmiusut akikilliliissutit ilanngullugit 40.000 kr.-iupput.

4. Nuuk – København – Nuummut toqqaannartumik akisunermi billetit akisunerpaaffiat assersuutigalugu 30.000 kr.-inik akeqarpoq. Toqqaannartumik akikinnermi billeti anguneqassappat asserssutigalugu akisunerpaaffia 21.000 kr.-iussaaq.

5. Inuk akiliunneqarluni sulinngiffimmini angalanissaminut pisussaaffilerneqartoq nikingassutaasumik (40.000 kr. – 30.000 kr.) 10.000 kr.-init imaluunniit (40.000 kr. – 21.000) 21.000 kr.-init akileraartinneqassaaq, tassanilu apeqqutaalluni akikinnermi/akisunermi billeti anguneqarsimanersoq imaluunniit aningaasat angallatsitsivimmut sulisitsisumulluunniit akilerlugit.

1. Inuk akiliunneqarluni sulinngiffimmini angalanissamini Nuuk – Reykjavik – New York – København – Nuummut toqqarpaa.

2. Inuup taassuma hotelimi najugaqarnissani nammineerluni inniminnerlugulu akilerpaa. Københavniit Nuummut angalanissami akikinnermi billeti anguneqarpoq.

3. Nuuk – København – Nuummut toqqaannartumik akikinnermi billetip akikinnerpaap akisunerpaaffia assersuutigalugu 9.000 kr.-eqarpoq.

4. Angallatsitsivimmit akiligassat tamarmiusut 30.000 kr.-iupput.

5. Inuk taanna akikinnermi billetip akikinnerpaap akisunerpaaffiata akiisalu tamarmiusut akornanni nikingassutaannik (30.000 kr. – 9.000 kr.) 21.000 kr.-init akileraartinneqassaaq imaluunniit aningaasat angallatsitsivimmut sulisitsisumulluunniit akilerlugit.

1. Inuup akiliunneqarluni sulinngiffeqarluni akiliunneqarnissamini Nuuk – Kangerlussuaq – Baltimore – Kangerlussuaq – Nuuk toqqarpaa. Inuup taassuma hotelimiinnissani nammineerluni inniminnerpaa.

2. Nuuk – København – Nuummut toqqaannartumik akikinnermi billetip akikinnerpaap akisunerpaaffia assersuutigalugu 9.000 kr.-eqarpoq.
 3. Angallatsitsivimmit/billetimik tunniussisumit akiligassat tamarmiusut 25.000 kr.-iupput.
 4. Inuk taanna akikinnermi billetip akikinnerpaap akisunerpaaffiata akiisalu tamarmiusut akornanni nikingassutaannik (25.000 kr. – 9.000 kr.) 16.000 kr.-init akileraartinneqassaaq imaluunniit aningaasat angallatsitsivimmut sulisitsisumulluunniit akilerlugit.
1. Inuup akiliunneqarluni sulinngiffeqarluni angalanissani Nuuk – Grækenland – Nuummut toqqarpaa. Tassani attartorluni sulinngiffeqarneq pineqarpoq, angallatsitsiviullu akia tamarmiusoq 17.000 kr.-inut allagartalerpaa.
 2. Nuuk – København – Nuummut akiliunneqarluni angalanermut toqqaannartumik akisunermi billetip akisunerpaaffia assersuutigalugu 12.000 kr.-inik akeqarpoq. Toqqaannartumik angalanermi akikinnermi billeti atorineqarpat akisunerpaaffiususaaq tassaavoq Nuummiit Københavnimut akikinnermi billeti, assersuutigalugu 9.000 kr. Toqqaannartumik akikinnermi billeti anguneqarpoq.
 3. Inuk taanna akit tamarmiusut akikinnermilu billetip akisunerpaaffiata akornanni nikingassummut 8.000 kr.-inut akileraartinneqssaaq (17.000 – 9.000 kr.) imaluunniit aningaasat angallatsitsivimmut sulisitsisumulluunniit akilerlugit.
 4. Erseqqissarneqassaaq angallatsitsiviup/billetimik tunniussaqtup akiligassat allagartaat erseqqissassammagu, taamaaliornikkut akiligassat allagartaanni takuneqarsinnaassammat tunniussat sorliit tunniunneqarsimanersut kiisalu tunniussat ataasiakkaat akii nalunaarutigalugit. Tamanna piumasaqaataavoq bogføringlovi malillugu, takuuk ataani allassimasut.

Nalinginnaasumik paasissutissat:

/ Angalatitsiviup/billetsisiffiup akiligassiissut erseqqissaassuteqarfīgissavaa, taamaasilluni takuneqarsinnaassaaq, tunniussat allat suunersut, aningaasartuutilla ataasiakkaat qanoq akeqarsimanersut, tamannami naatsorsuutininik allattuinnissamat inatsit aallaavigalugu piumasaqaatigineqarpoq. Akiligassiissummi taamaallat allaqqappat “angalanermik aqqqissuussineq” saniatigullu ataatsimut akia ilanngunneqarsimalluni, paasissutissiineq tamanna naammanngilaq.

Nuummit Københavnimut utimullu, billetsimut qorsummut akikinnerpaamut akiligassiisoqarsimappat, atorfilillu kingusinnerusukkut angalatitsivimmut/billetsisiffimmut takkuppet, billetsinilu billetsimut aappalaartumut akikikkinnerpaamut allangortillugu, Londonimut billetsit ilanngunniarlugu, taava angalatitsivik/billetsisiffik, billetsinut pisiareriikkanut, akiligassanut akileeqqusissummik sanassaaq, aatsaallu tamatuma kingorna, billetsinut nutaanut, qulaani piumasaqaatigineqartut malillugit, akiligassiissummik erseqqissaassutitalimmik sanassalluni. Angalatitsivik/billetsiffik akiligassanut akileeqqusissummik kiisalu akiligassiissum-

mik nutaamik sulisitsisumut toqqannartumik nassiussissaaq.

Nalunaaruteqarneq.

Akileraruserinermik ingerlatsineq pillugu Inatsisartut inatsisaanni nr. 11, 2. November 2006-imeersumi § 30, imm. 1, nr. 4-mi allaqqavoq, ajunngitsorsiat tarmiusut, angalanerit ilaallutik, sulisitsumit akileraartarnermut oqartussaasunut nalunaarutigineqartassasut.

Immersugassami 47-mi, sulinngiffimi akiliunneqarluni angalanerit amerlassusaat allanneqassapput, angalanerullu akilerarutitaqartup akia, akissarsiat allagartaanni immersugassami 64-imi, paasissutissatut ilanngunneqassalluni. Akileraartarnermut Aqutsisoqarfiup ilisimatissiissutaani nr. 8-mi allaqqasoq malillugu, sulinngiffimmi akiliunneqarluni angalanerit nalingi akilerarusersorneqarsinnaasut, ukiumut 2008-mut Naalackersuisuniit, angalanermut ataatsimut 13.800 kr – inut annertussusilerneqarput.